

Broj: 101-1- 1673 /26Datum: 14.4.2026.g.

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-1447/26 od 13.4.2026. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Učionički namještaj za Zajedničku zgradu Univerziteta“

I

Prihvata se preporuka Komisije za javnu nabavku u postupku javne nabavke pod nazivom „Učionički namještaj za Zajedničku zgradu Univerziteta“, broj: 170-1447/26 od 13.4.2026. godine i ugovor o nabavci robe u predmetnom postupku se dodjeljuje ponuđaču „**EDUCA d.o.o. Mostar**“, **Rodočkih branitelja 48, 88000 Mostar** u skladu s ponudom broj: **131DD-05-03/25** od **13.03.2026. godine**.

II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom u iznosu od **26.900,00 KM bez PDV-a, nakon održane e-aukcije**.

III

Izabrani ponuđač je u ponudi dostavio dokaze u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u Izjavi iz Aneksa 4 Tenderske dokumentacije u predmetnom postupku, u skladu sa tačkom 14. TD, te iste nije dužan ponovno dostavljati.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana prijema odluke o izboru najpovoljnijeg ponuđača.

Na način i u skladu sa članom 72. stav (3) Zakona, ugovorni organ dostavlja prijedlog Ugovora onom ponuđaču čija ponuda je po rang listi odmah nakon ponude najuspješnijeg ponuđača, u slučaju da najuspješniji ponuđač učini radnje koje su definisane navedenim članom Zakona.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).



Obrazloženje

Odlukom broj: 101-1-1004/26 od 9.3.2026. godine pokrenut je postupak javne nabavke učioničkog namještaja za potrebe opremanja Zajedničke zgrade Univerziteta „Džemal Bijedić“ u Mostaru, putem otvorenog postupka. Komisija za provođenje postupka javne nabavke namještaja, imenovana je Odlukom broj: 101-1-1005/26 od 9.3.2026. godine. U skladu sa Odlukom o pokretanju javne nabavke ukupna procijenjena vrijednost nabavke bez PDV-a iznosi 27.000,00 KM. Obavještenje o nabavci broj: 66-1-1-57-3-25/26 objavljeno je na portalu javnih nabavki dana 11.3.2026. godine zajedno sa Tenderskom dokumentacijom broj: 101-1-1054/26.

U skladu sa Tenderskom dokumentacijom i obavještenjem o nabavci dana 2.4.2026. godine sa početkom u 10:00 sati održano je javno otvaranje ponuda. U predviđenom roku za prijem ponuda (2.4.2026. godine do 9:30 sati) zaprimljene su 4 (četiri) ponude kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-1303/26	R&S d.o.o. Sarajevo	31.3.2026. u 10:30h
2.	180-1306/26	EDUCA d.o.o. Mostar	31.3.2026. u 10:30h
3.	180-1325/26	KIS PRODUKT d.o.o. Laktaši	1.4.2026. u 11:00h
4.	180-1334/26	Valir d.o.o. Mostar	2.4.2026. u 9:10h

Nakon izvršenog pregleda ponuda, Komisija je konstatovala sljedeće:

Ponuda ponuđača „R&S“ d.o.o. Sarajevo je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 26.935,20 KM bez PDV-a. Ponuđač nije dao popust na cijenu.

Ponuda ponuđača „EDUCA“ d.o.o. Mostar je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 26.991,00 KM bez PDV-a. Ponuđač nije dao popust na cijenu.

Ponuda ponuđača „KIS PRODUKT“ d.o.o. Laktaši je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 27.000,00 KM bez PDV-a. Ponuđač nije dao popust na cijenu.

Ponuda ponuđača „VALIR“ d.o.o. Mostar kao nepravilna jer nije u skladu s tenderskom dokumentacijom, te se odbacuje u skladu sa članom 68. stav (4) tačke b) i i) Zakona o javnim nabavkama BiH.



Zatim, tačkom 16.2 a) Tenderske dokumentacije, Ugovorni organ je zahtijevao dostavljanje potvrde o uredno izvršenim ugovorima. Ponuđač je u svojoj ponudi na strani 29. priložio potvrdu o uspješno izvršenom ugovoru, ali ona ne sadrži vidljive podatke o predmetu ugovora. Tačnije, u potvrdi je kao predmet navedeno „Ugovor o opremanju hotela na temelju ponude“, bez konkretizacije vrste i obima isporučene robe, zbog čega nije moguće utvrditi da ponuđač ispunjava uslove u pogledu tehničke i profesionalne sposobnosti. Iz navedene potvrde nije vidljivo je predmet nabavke u vezi s predmetnom nabavkom, odnosno čiji je karakter i kompleksnost adekvatan predmetnoj nabavci. Ugovorni organ je u TD dao jasno uputstvo vezano za dokazivanje ispunjavanja uslova tehničke i profesionalne sposobnosti, što ponuđač nije ispunio.

Nadalje, tačkom 16.2. b) Tenderske dokumentacije, Ugovorni organ je zahtijevao dostavljane tehničkih listova ili kataloga za robu koja je tražena Tenderskom dokumentacijom. U ponudi ponuđača nedostaju tehničke specifikacije dvije stavke, tj. stavka 4. Konferencijska stolica crna i stavka 5. Konferencijska stolica crvena, čime nije dokazao usklađenost ponuđene robe iz Obrasca za cijenu ponude – robe sa strane 6. svoje ponude, sa zahtjevima Ugovornog organa.

Ugovorni organ je tačkom 16.2.c) Tenderske dokumentacije u predmetnom postupku zahtijevao dostavljanje potpisane i opečaćene (pečatom ponuđača) izjave ponuđača u kojoj navodi da daje garanciju za ponuđenu robu. Ponuđač u svojoj ponudi broj 01-3003/26 od 31.3.2026. nije dostavio dokaz o garanciji, čime nije ispunio obavezne uslove Tenderske dokumentacije.

Ponuđači su dužni, u skladu sa članom 57. stav (1) Zakona o javnim nabavkama BiH i tačkom 19. TD u predmetnom postupku, pridržavati se zahtjeva i uslova iz tenderske dokumentacije. Na osnovu svega navedenog, ponuda je odbačena jer ne ispunjava zahtjeve iz tenderske dokumentacije.

Nije bilo osnova za ispravku računskih grešaka u kompletnim i prihvatljivim ponudama.

Tačkom 28. Tenderske dokumentacije bilo je predviđeno održavanje e-aukcije te je nakon provedenog postupka e-aukcije, u skladu s Izvještajem o toku i završetku e-aukcije od 10.4.2026. godine, utvrđena konačna rang lista ponuđača kako slijedi:

1. „**EDUCA**” d.o.o. Mostar s ukupnom cijenom ponude u iznosu od **26.900,00 KM** bez PDV-a,
2. „**R&S**” d.o.o. Sarajevo s ukupnom cijenom ponude u iznosu od **26.935,20 KM** bez PDV-a,
3. „**KIS PRODUKT**” d.o.o. Laktaši s ukupnom cijenom ponude u iznosu od **27.000,00 KM** bez PDV-a.

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci učioničkog namještaja, dodijeli ponuđaču „**EDUCA**” d.o.o. Mostar sa ukupnom cijenom ponude u iznosu od **26.900,00 KM** bez PDV-a. Komisija je jednoglasno utvrdila da je ponuda prihvatljiva i u skladu s tenderskom dokumentacijom, te je nakon održane e-aukcije ocijenjena kao najpovoljnija u skladu s postavljenim kriterijem najniža cijena.

Ovom odlukom prihvaćen je prijedlog komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispijelih ponuda kao i da



je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.
Na osnovu svega navedenog, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 10 (deset) dana od dana prijema ove Odluke, u pisanoj formi direktno ili putem preporučene poštanske pošiljke, sve u skladu sa odredbama članova 99-108. Zakona o javnim nabavkama BiH.

REKTORICA

prof. dr. Alena Huseinbegović



Dostaviti:

1. „R&S“ d.o.o.
2. „EDUCA“ d.o.o.
3. „KIS PRODUKT“ d.o.o.
4. „VALIR d.o.o.
5. U predmet
6. a/a